



**Lvdovici Molinæ, E Societate Iesv Theologiæ Doctoris, &
Professoris, Commentaria, In primam D. Thomæ partem**

Molina, Luis de

Lugduni, 1622

Articvlvs VI.

[urn:nbn:de:hbz:466:1-73915](#)

creatura illa, ut eminenter lumen gloriae contineant, sic etiam qualitate gratiae, arque ad eum si suapte natura effent tam dignæ, in quibus ob suam eximiā perfectionem Deus complaceret, quam simus nos & ijs Angeli quos creauit, dum qualitate gratiae sumus affecti. Quod idem confirmari etiam posset hanc non levia ratione. Quod, cum genus substantiae creatra nobilis sit nouem generibus accidentium: inter omnes substantias, quæ diuina potentia esse possunt, nobilissimum gradum obtineat genus substantiarum, mente prædictarum, sanè nullum omnino accidens diuina potentia esse potest tam nobile, quin eadem potentia dari possit substantia intellectus eo nobilior entitatiæ, seu quo ad latitudinem perfectionis essentialis. Quare licet qualitates gratiae ac luminis gloriae, etiam entitatiæ, & quo ad latitudinem perfectionis essentialis, meo iudicio, perfectiores sunt substantiis omnibus, quas Deus re ipsa creauit, per easque homines & Angeli ad esse quoddam euhantur, quod ipsorum naturas longo interculo excellit: argumentum tamen persuadere viderit, esse posse diuina potentia substantiam intellectualem adeo entitatiæ perfectam, quæ perfectionem gratiae ac luminis gloriae suapte natura excedat, vt vel ea ratione latitudo tota perfectionis substantialis, quam Deus sua omnipotentia potest efficiere, superet latitudinem totam perfectionis accidentium, quam eadem omnipotentia valet producere, si singula vnius latitudinis cum singulis alterius conferantur. Quo loco obserua, tam hoc, quam principale supra propositum argumentum, videri efficaciter probare, esse posse diuina virtute substantiam intellectualem, quæ entitatiæ sit longe perfectior, quo ad intellectum, longe major vis ad intelligendum, quam coniunctum ex anima Diui Petri & lumine gloriae, quo eius intellectus est perfusus: eo autem dato, insufficiens profecto est ilorum solutio, qui respondent, talem nihilominus intellectum insufficiens esse ad videndum diuinam essentiam, ed quod non sit participatio diuini ordinis, quemadmodum est lumen gloriae. In primis namque, cum in Deo nihil sit magis diuinum, quam ipsius substantia, intellectus, & voluntas: ea vero substantia virtute diuina possibilis, de qua loquimur, quoad naturam suam & substantiam participatio sit substantia diuina, eam referens, quoad intellectum vero sit participatio diuini intellectus: virique si quod vnuinquitque horum entitatiæ, & quoad latitudinem graduum essentialium, perfectior est, quam coniunctum ex intellectu Diui Petri, & lumine gloriae, quo est perfusus, non minùs, inā longe plus est ordinis diuini, quam lumen gloriae, quod, tamquam quippiam imperficiens, longe minus refert naturam & perfectionem diuinam. Deinde rem expendenti ac consideranti satis profecto absurdum est, è duabus perfectiobus, quarum una maior est alia, eam quæ minor est, ordinis esse diuini: eam vero, quæ maior est, non item. Illa item insufficiens est solutio, qua quidam respondent, id est intellectum illum insufficiens esse ad videndum Deum, quoniam est ordinis naturalis: lumen vero gloriae ordinis supernaturalis. Etenim sicut lumen gloriae supernaturale est intellectui nostro, & cuiuscumque eorum angelorum, quos Deus re ipsa creauit: ita intellectus illius substantiae diuina virtute possibilis, supernaturalis est anima nostra, & angelis, quos Deus creauit: & sicut intellectus ille in se est quadam natura, ita lumen gloriae in se est quadam natura, quæ per comparationem ad inferiora supernatura-

A lis est, perinde atque Verbum diuinum naturale est in Deo, supernaturale vero humanae Christi naturæ, cui est unum. Addit, esse naturale, aut supernaturale, est que vnius, aut alterius ordinis, per accidens se habere ad rem, de qua disputamus. Cum enim Deus sub obiectum cadat cuiuscumque intellectus, neque ad proportionem seu accommodationem, vt videatur, requiratur virtus ad intellegendum, qua vel quoad magnitudinem virtutis, vel quoad latitudinem perfectionis essentialis sit infinita, dato vero quocumque intellectu certæ virtutis aut perfectionis essentialis, dari possit aliis, qui suapte natura duplo, quadruplo, octuplo, &c ita in infinitum maior quo ad utrumque sit: deueniendum utique erit ad aliquem, qui suapte natura quo ad utrumque accommodatus sit. Atque haec sunt vires argumenti principialis propositi.

B Ad tertium, si sermo sit de creaturis illis, dengato eis ad tempus concursu generali, quo indigent ut diuinam essentiam intuerentur, atque adeo constituti in via fine visione ac fruitione supra id, quod ipsarum natura postularer, neganda esset confusio: sola namque perfectione naturæ sine influxu essentiae diuinæ in ratione speciei intelligibilis, & sine visione beatifica, insufficiens esset ad consolidandum liberum arbitrium, ne peccare posset. Si vero sit sermo de eisdem creaturis intuentibus diuinam essentiam, ut ipsarum natura postularer, id nullum esset absurdum: sicut absurdum non est, nos per visionem beatificam reddi impotentes ad peccandum.

C Verum cum in re tam sublimi nihil facile audendum sit, statius nunc videtur aliorum iudicio, quam nostro, rem definiendam relinquere. Hinc enim vis argumenti propositi ita virget, ut proprie rem demonstrare videatur. Illinc allicit communis Doctorum sententia, quæ affirmat, Deum sua omnipotentia efficiere non posse creaturam, quæ suapte natura beatificiter videtur diuinam essentiam possit. Hinc rursus premit argumentum, cuius nulla occurrit solutio, quæ omnino expletat intellectum, sicut etiam, ut tandem assentiamur. Illinc incommoda illa deterrent, quæ paulo ante intulimus, ac dissoluere conantur sumus, in quæ statim inciderit, quicunque à communi Doctorum opinione deflectere instituat. Quocirca nostræ partes modò fuerint rei difficultatem pro utraque parte agri discussione aperuisse: aliorum nunc sine attente iudicare, ac sententiam ferre. Etenim multa decursu temporis aliorum examine paulatim appensa, & quasi suffragis comprobata tutò asseruntur, quæ priuato iudicio statim prolatâ tenuerè effundentur.

ARTICVLVS VI.

Vtrum inter beatos unus perfectius, quam alius, diuinam essentiam intueretur.

DISPUTATIO I.

D RIMA conclusio huius articuli est. Inter beatos unus perfectius alio diuinam essentiam intueretur. Conclusio hæc est de fide, colligiturque ex eo fundamento, quod beati non omnes sunt æquales quoad præmium esentialia, sed pro quantitate meritorum unus est beatorum. Conclusio. Beatorum unus perfe- dius alio in- tueretur diuinam essen- tiam.

Molina in D.Thom.

K 3 visio

visione integrum præmium essentialia constituant: fit, ut videntium diuinam essentiam unus alio perfectius eam videat.

Iouinianus eror.

Lutheri blasphemus ac iniustus error.

Beatus unde mansio dicitur.

Contraria, tam fundamento, quam conclusioni assertio, fuit error Iouiniani tempore Diui Hieronymi, qui assertur, omnes, tam beatos in præmio, quam damnatos in pena, esse æquales, virtutis que inter se ac vita esse æquales. In eodem errore, quod ad Beatos attinet, videtur fuisse Lutherus, qui vt omnes fecit pares beata Virgini in sanctitate & meritis (quod aures horrent audire, neque quidquam ineptius dici posset) ita quoque omnes videtur facile pares in præmio. Vide Sotum 2. de natura & gratia capite 20. Contra hunc errorem scripserunt Hieronymus 2. libro contra Iouinianum in impugnatione propositionis quartæ Iouiniani, eundemque reprobauit in expositione symboli ad Damasum, Augustinus in libro de sancta virginitate: eiudem ex parte meminit de heret. ad Quod vult Deum, heret. 82. Castrus de heresibus, verbo beatitudine, heret. 7. Sotus in 4. dist. 49. quæst. 3. artic. 2. & copiosius Vega libro 10. super Concilium Tridentinum à cap. 4.

Probatur ergo de fide esse tam fundamentum, quam conclusionem ex eo deductam, ex illo Iohannis 14. In domo Patris mei mansiones multæ sunt: quod non intelligitur de diuersitate statuum, aut de diuersitate particularium Ecclesiærum in Ecclesia militante, vt sinistram interpretetur Iouinianus, sed de diuersitate præmiorum in Ecclesia triumphante: quod patet ex sequentibus: subiungit enim, Quia vado parare vobis locum: per mortem scilicet meam: Et si abierto & preparavero vobis locum, iterum veniam, Et accipiam vos ad me ipsum, vt ubi sum ego, & vos sitis. Porro, vt Diuis Thomas in 4. distin. 49. quæst. 1. articulo 4. quæstiuncula 3. ait, Semper nostra beatitudine in manendo, seu quiscedam, mansio dicitur: mobile enim in fine motus manere, que serè dicitur: quare cum semper nostra beatitudine finis sit, ubi quiscedam appetitus nosfer, terminusque motus, ac conventionis nostræ, merito mansio dicitur: mansiones vero in plurali, propter varios gradus beatitudinis, ad quos beati pro qualitate ad quantitate meritorum pervenient.

Primum item ad Corinthios 15. dicitur, Stolla ab stella differt in claritate, sic & resurrecio mortuorum: gloria autem inæqualis corporis ab inæqualitate glorie animæ dimanat. Capite tertio eiusdem epistolæ, Vnde quisque propriam mercedem accipiet secundum suum laborem. 2. ad Corinthios 9. Qui parè seminat, parè & metet. De terra autem bona Matthæi 13. dicitur, quedam fecisse fructum centesimum, alia sexagesimum, & alia tricesimum. Matthæi 25. cap. pro diuersitate talentorum alij plus, alij minus lucrat sunt. Et Luce 19. qui mna sibi gradutæ decern mnas acquisuit, maiori præmio afficiuntur, quam qui quinque tantum acquisuerunt. 1. ad Corint. 7. Beator autem est si permanescit: & sermo est de virginibus. Item in patria unus maior est, & alijs minor, vt patet ex illo Matth. 1. Qui minor est in regno celorum, maior est illo. Et cap. 18. Quicumque humiliauerit se sicut parvulus iste, hic maior est in regno celorum: ergo datur inæqualitas præmiorum.

Deinde recta ratio postulat, vt iuxta quantitatem meritorum, aut demeritorum, si quanta præmis aut supplicij, iuxta illud 2. ad Corint. 5. Omnes nos manifestari oportet ante tribunal Christi, vi referat omni quisque propria corporis prout gessit, sine bonum, sine malum: quare ut imparibus demeritis respondent imparia supplicia, iuxta illud Apocalypsis 18. Quantum glorificauit se, & fuit in deliciis, tantum date

Artic.vj. Disput. j.

A illi tormentum, & luætum: ita consonum est rationi, vt imparibus meritis, & laboribus pro Deo perpeccis imparia respondeant præmia.

Imparia autem esse Sanctorum merita: eaque accrescere bonis operibus iustorum, in modo & illis imparia præmia respondere in patria, definitum est in Concilio Tridentino sessione 6. cap. 10. & 16. & canone 24. & 32. Item in Concilio Thelensi autoritate Siritii Papæ in Africa aduersus Iouinianum congregato, in epistola quadam illorum Patrum ad eundem Pontificem ita habetur. Agrestis vultus est, nullam virginitatis gratiam, nullumque castitatis ordinem reservare, promiscuè omnia velle confundere, diuersorum gradus abrogare meritorum, & pauperatum quandam cælestium remunerationum inducere, quasi Christo una sit palma, quam tribuat, & non plurius abundant tituli præmiorum. Et in Concilio Florentino in decreto de purgatorio definitum est, Avaras iustorum, que nihil iam habent purgandum, in cælum mox recipi, & intueri clare Deum trinum & unum sicut est: pro meritorum tamen diuersitate, alium alio perfectius. Vbi non solùm fundatum, sed & conclusio proposita definita est. Miror autem Durandum in 4. distinct. 49. quæstione 2. sic tepidè hac de re fuisse locutum, vt prius in solutione euangelii argumenti admirat beatos omnes esse æquales in visione diuinæ essentiae, arque in præmio essentiali, licet postea adhucbeat secundam solutionem, afferatque oppositum esse melius & fecurios.

Quod si quis obiicit parabolam illam Matth. 20. de denario diuino soluto omnibus operariis in-

cipiendo à nouissimis, qui vna tantum hora laboraverunt, vbi pro imparibus laboribus & meritis vi-

detur reddi æquale præmium. Respondetur, ibi

quidem pro imparibus laboribus iuberi reddi

æquale præmium: non tamen pro imparibus meri-

tis. Voluit enim Christus Dominus ea parabola si-

gnificare, quam præclaræ actum sit cum his, qui no-

uissima hora huic mundi, hoc est, ab adventu Chri-

sti usque ad consummationem seculi, ad Ecclesia

vineam vocati sunt. Hi enim propter abundantem

gratiam, que soluto pretio nostra redempcionis

confertur hominibus, & propter tot auxilia sacra-

mentorum, per quæ nobis merita Christi appli-

cantur, breuiori tempore, & minore cum labore

plus promerentur apud Deum, quam qui in prima

hora, hoc est, ab initio mundi usque ad diluvium

longo vitæ tempore, & maiori cum labore in vi-

nea Dei operam posuerunt, neque in hoc vila eis

facta est iniuria. Quia igitur multi in nouissima ho-

ra (vt Apostoli, quibus primitæ gratia collata sunt)

plus meruerunt breuiori vita tempore, quam omnes,

qui per longum tempus vixerunt in prima hora, iubetur procurator incipere à nouissimis, vt non

soldum minorem laborem æquale præmio, sed etiam

maiis corum meritum cumulatiori præmio com-

penset.

Si quis etiam obiicit: beatitudine cuiusque beati

est sumnum bonum: sed summo bono non potest

esse aliquid maius: ergo unus beatus non est bea-

tior altero. Dicendum est in primis, beatitudinem

ex parte obiecti sumptam, hoc est, Deum ipsum,

quo perfuruunt beati, esse sumnum bonum, ne-

que unum beatum frui hoc modo maiori bono,

quam fruatur alius: beatitudinem tamen formaliter

sumptam pro visione, in specie quidem esse sum-

num bonum: ed quod nulla alia species eorum bo-

norum, que in nobis sunt, possit esse tantum bo-

nun, quantum in ipsa est: quod individua verò sub

ea

Alia obiec-

tio.

Responsio.

Beatus

qua ratione

summum.

sub ea contenta, nullum esse incommodum, quod vnum sit maius bonum, quam aliud.

Sent. Du
andi, &
Stominalis
epist.

Post stabilitam conclusionem propositam, inquitendum restat, unde proueniat, quod inter beatos diuinam essentiam intuentes, alius alio perfectius eam intueatur. Scotus, Durandus, Nominales, ac reliqui, qui vel negant lumen gloriae, vel dicunt non concurrens efficiens ad visionem, afferunt id provenire ex eo, quod pro quantitate meritorum Deus vni intensorem, & clariorem visionem sui, quam alteri infundit.

Diuinus Thomas vero, qui caseret Deum mediante causa secunda efficerre hanc visionem, melius respondet tribus aliis conclusionibus. Prima est. Id non proficitur ex eo, quod vnuus videatur per meliorem speciem. Hæc probatur, quia beati non vident per speciem, sed per essentiam diuinam concurrentem in ista specie intelligibilis.

Vnus bea-
tus diuer-
sus ex di-
uina lumi-
nis gloria par-
ticipatur.

Secunda est. Illa diuersitas visionis ex eo prouenit, quod vnuus beatus plus luminis gloriae, quam alius participat. Hæc probatur, quia melior cognitio, vel oritur ex parte speciei, vel ex parte potentie: at hic non oritur ex parte speciei, ut suprà diximus: ergo ex parte potentie: sed potentia & facultas ad videndum diuinam essentiam non contenti intellectui secundum suam naturam, sed ratione luminis gloriae, quo eleuatur ad videndum Deum: ergo quod vnuus videat essentiam diuinam melius, quam alius, ex eo, quod participat plus luminis gloriae, proficiuntur.

Tertia est. Quod aliquis participet plus luminis gloriae, prouenit ex eo, quod plus caritatis in via habuerit. Caritat namque, tamquam principio meritorum, respondet præmium, atque adeo lumen gloriae, quo Deus videtur. Neque immixtum: vbi enim est plus caritatis, est plus desiderij: desiderium autem quodammodo facit desiderantem aptum ad susceptionem rei desideratae: vnde congruum est, ut habenti plus caritatis, plus luminis tribuantur, quo Deum clarius intueatur.

Lumen glo-
riæ diuinis-
tis beatifica
pniam la-
titudine ca-
ractere
varia.

Quo loco animaduerte, ex quantitate meritorum prouenire, quod vnuus recipiat plus luminis gloriae, quam alius: radix vero potissima meritorum est caritas, licet ex aliis etiam capitibus accrescat meritus. Quod si vera est opinio eorum, qui affirmant pro quoquem actu meritorio, etiam remissio, augerat in via caritatem secundum totam latitudinem meriti, tunc caritati via respondebit lumen gloriae in patria, sive minus, respondebit non caritati via, sed latitudini toti meritorum via. Diuinus Thomas vero ratione in congruentia reddidit quare caritatis habenda sit ratio in reddendo præmio.

DISPUTATIO II.

Virum melior potentia intellectua cum æquali lumine gloriae, clarius diuinam essentiam intueatur.

Tempus ne-
re fidei.

Vestio hæc excitatur circa id, quod D. Thomas in responsione ad tertium, & in secunda conclusione ex tribus proximè alignatis affirmit: ex maiori videlicet facultate intellectus, non naturali, sed gloriose, prouenire quod diuina essentia plus videatur: quare innuere videtur partem negantem, nempe meliorem potentiam intellectus cum æquali lumine gloriae non plus videre diuinam essentiam.

Eamdem partem amplectitur Sotus, ut probabiliorem, quam probat primo. Quoniam actus vi-

Molina in D.Thom.

A dendì diuinam essentiam est supernaturalis: ergo sequitur proportionem solius virtutis supernaturalis, hoc est, luminis gloriae. Aqua namque, quia non habet calorem natuum, sed extraneum, non calefacit secundum proportionem suæ virtutis naturalis, sed secundum proportionem solius caloris aliunde recepti.

Secundò, quoniam meritum de condigno licet producatur à libero arbitrio, quia tamen tota ratio meriti prouenit ex gratia & auxilio Dei, quantitas illius æltinatur solum penes proportionem gratiae, & auxilii Dei: ergo pari ratione quantitas visionis æstimabitur solum penes quantitatem luminis gloriae.

Tertiò, visio non est maior aut perfectior, nisi propter maiorem vel minorem concordum Dei influentis cum intellectu, vicemque subeuntis speciei intelligibilis: sed non plus concidit Deus cum intellectu, quam si quantitas luminis gloriae: ergo naturale lumen intellectus non auget perfectionem, ac intentionem visionis beatifica.

Quarò, quia ex contraria opinione sequerentur, aut visionem beatificam, aut lumen gloriae non conferri beatis iuxta proportionem meritorum, quod non videtur admittendum. Consecutio probatur, quoniam si Angelo, & homini habitibus æqualia merita conferatur æquale lumen gloriae, Angelus melius videbit diuinam essentiam, & ita visio non erit iuxta proportionem meritorum. Si vero Angelo detrahatur tantum luminis, quantum sufficit, ut visiones sint æquales, iam lumen non conferetur iuxta proportionem meritorum. Præterea, non viratur absurdum, quod premium non sit iuxta proportionem meritorum: quippe cum existente æquali visione in intellectu Angeli, melior voluntas illius elicit maiorem amorem, & maiorem fruitionem, que duo partes sunt premij essentiales: fit ergo, ut melior potentia naturalis nihil ad meliorem visionem diuinæ essentiae, amorem, ac fruitionem conferat.

In contraria sententia est Cajetanus 3. p. quest. 10. articulo 4. ad secundum, melior cum scilicet potentiam cum æquali lumine gloriae melius videre diuinam essentiam. Vnde, inquit, si verbum diuinum assumeret naturam angelicam cum æquali lumine gloria ei, cum quo assumpti humanam naturam illa angelica melius videbet, quia modo videt humana aßumpta. Colligitque hanc suam sententiam ex Diuino Thoma e loco. Cum enim Diuinus Thomas argumentatus esset, quod natura angelica melius videret essentiam diuinam, quam anima Christi, eo quod haberet meliorem potentiam intellectus, respondet gradus visionis beatifica in beatis, magis attendi secundum ordinem gratiae, hoc est, secundum quantitatem luminis gloriae, in quo anima Christi excedit omnes angelos, quam secundum ordinem naturæ, in quo natura angelica excedit animam Christi. Cum autem dixerit, magis attendi secundum vnum, quam secundum aliud, planè docuit aperte secundum utrumque attendi, sed præcipue secundum quantitatem luminis gloriae: similiusque interpretatur, quod Diuinus Thomas dixit, attendi secundum quantitatem luminis, ut in eo loco in corpore articuli, atque hoc loco, intellectus præcipue. Quanquam hoc loco ad tertium non dicat, attendi secundum quantitatem luminis, sed secundum facultatem gloriae: facultas autem gloriose non dicit solum lumen, sed intellectum affectum lumine. In tandem sententiam inclinat Scotus in 3. distin. 13. questione 4. Licet enim eo in loco non loquatur de intellectu, af-

*Intellectus
melior cum
æquali lumine
gloria pro-
ducit inten-
tiorem visio-
nem beatifi-
cam.*

firmat tamen voluntatem humana cum æquali gratia non posse elicere tantam fruitionem, quam elicit angelica: eò quod voluntas angelica concurrat tamquam pars vnius integræ cauæ, perfeetiōre sit, qua ratione elicit intensiore aetum. Eandem sententiam amplectitur Durandus in 3.d. 14.q.1. vbi affirmat, meliorem potentiam intellectus, qualis est angelica, cum æquali lumine gloria visuram esse melius diuinam essentiam: nondum enim eo in loco excluderat lumen gloriae: credit tamen concurrens passiuè ad visionem. Eandem sequitur Richardus in 4.d. 49.artic.3.q.2.

Probat vero primo, quoniam ad visionem beatificam concurrens efficienter non solum lumen gloriae, sed etiam intellectus ipse influens per seipsum immediatè ad visionem tamquam pars vnius integræ cauæ illius, ut explicatur est, & affirmat Sotus: ergo quod maior fuerit vis intellectus partialiter influens, eò major erit visio. Pater consequentia quia quantitas actionis, atque effectus attendunt penes quantitatem totius cauæ. Confirmatur haec ratio, quia si cum medio demonstrativo concurrat medium probabile, producitur aetus scientiae, eò intensior, quod medium fuerit efficacius: ergo incrementum alicuius partis totius causæ conduceat ad intensiōrem effectus, etiam quando effectus est altioris ordinis, atque supra facultatem alicuius partis talis causa.

Secundò, concursus maior, aut minor potentiae naturalis conduceat ad maiorem intensiōrem aliorum actuum supernaturalem, ut quod maior est concursus intellectus, aut voluntatis cum habitu fidei, spei, aut caritatis supernaturalis, eò intensior aetus fidei, spei, aut caritatis supernaturalis producitur, ut omnes admittunt, aetatisque est magis meritorius, si fiat ab existente in gratia: ergo paratione quod maior fuerit concursus potentiae intellectus cum lumine gloriae, eò intensior & maior visio producetur.

Tertiò, data quacunque re creata intellectu predicata, potest Deus creare aliam, atque aliam magis, ac magis perfectam, progrediendo in infinitum, cuius vis naturalis ad intelligendum sit in infinitum maior ac maior, tum quoad perfectionem essentiam, tum etiam quo ad perficacitatem, acumen, atque influxum ad intelligendum adeo ut articulo praecedente disputatio 2. ostenderimus, non est improbabile, Deum ita ascendendo posse creare substantiam intellectu preditam, qaz sine lumine gloriae per suam vim naturalem, concurrente essentia diuina loco speciei intelligibili. Deoque non denegare concursum suum vniuersalem, videre posset diuinam essentiam, vt ibidem latius deductum est: quicquid aetem de ea quæstione sentendum sit, quis negare audeat, tantum, ac talem influxum vna cum lumine gloriae in visionem beatificam tamquam in effectum immediatè producetum ab intellectu, & lumine gloriae, nihil omnino conduceat, ut producatur clarior, atque intensior visio diuina essentia, quæ produceretur, si intellectus humanus esset, qui cum eo lumine in visione influeret? Planè sine illa probabilitatis specie id negaretur. Quod si intellectus nullum proprium haberet influxum in visionem beatificam, sed solum lumen gloriae esset, quod immediatè influeret, intellectusque atque substantia ipsa intellectu predita, ea sola ratione dicerentur influere in visionem, quatenus substantium essentia luminis gloriae, lumen vero ipsum esset tota, ac immediata virtus videndi diuinam essentiam, eo modo, quo aqua calida, aut

A ferrum candens nullum habent influxum proprium ad calefaciendum, vel ad inflammandam stupam, sed solus calor peregrinus est, qui immediate influit, & qui est tota virtus illorum effectuum: aqua vero & ferrum solum tamquam subiecta, quæ in se habent ac sustinent vim illam agendi, dicuntur mediante illa efficere tales effectus, ut id quod operatur, per alienam & peregrinam virtutem: si haec, inquam, ita se haberent, tunc planè verum esset, maiorem vim intellectus nihil conducere ad melius videndum Deum, eò quod vis ipsa intellectus non influeret in visionem, sed solum lumen gloriae tamquam tota virtus, intellectus vero solum tamquam subiectum peregrinum illius, ad quod nihil omnino conducit maior, aut minor vis ipsius intellectus: At non ita se res habet in proposito, sed ut articulo praecedente, disputatione 1. ostensum est, intellectus beatus est, qui suo peculiari ac proprio influxu immediatè influi in visionem: alia neque visio beatifica esset operatio vitalis, neque per eam dici posset intellectus videre, immo neque negari posset lumen gloriae per eam intelligere, eò quod esset tota vis, quæ illam immediatè producet: quamadmodum negari non potest calorem ferri esse, qui calefacit, & inflamat stupam, cum sit tota virtus actua, à qua illi effectus immediatè emanant. Quis ergo intellectus est, qui immediatè influi in visionem beatificam vna cum lumine gloriae, visioque ab intellectu habet, quod sit actio vitalis, atque perceptio obiecti, & non à lumine gloriae, sed ab eo tamquam à precipua parte causæ habet, quod producatur: sit, ut nulla cum probabilitate negari possit, tantum ac talem influxum intellectus non conduceat, ut visio sit clarius & intensior, quam esset, si solum intellectus humanus cum eodem lumine concurret. Quod si maior aliqua vis naturalis intellectus conduceat, vna cum lumine gloriae intensior, & clarior visio diuina essentia producatur, planè iuxta proportionem virtutis naturalis intellectus ad intellectum, erit intensio & claritas visionis beatificæ, posito aequali lumine gloriae.

E Ex his duabus sententiis hæc secunda semper mihi visa est consonantior principiis philosophiæ, ac veritati. Quare ad primum argumentum Sotus neganda est consequentia. Cum enim ad visionem diuinæ essentia efficienter concurrat intellectus, non est, quod nō computetur simul actiuitas & concursus ipsius, esto actio supernaturalis sit. Quod autem adducit de aqua, nullius est momenti: virtus enim naturalis aquæ non concurreat ad calefactionem, intellectus autem tamquam pars caue concurrens efficienter ad visionem. Quare argumentum solum habet vim, si intellectus nullum influxum proprium haberet in visionem, sed solum lumen gloriae esset tota virtus immediata, quæ visio beatificam produceret, quod tamen Sotus non concedit.

F Ad secundum negandum est, quantitatem meriti de condigno solum attendi penes proportionem gratiae & auxilij Dei: licet enim aetus, ut præcisè emanat à libero arbitrio, non habeat quod sit meritorius, posita tamen gratia, maior concursus atque conatus liberi arbitrij conduceat ad incrementum meriti, ut receptissimum est inter omnes: mirandumque est, quod Sotus ducatur hoc argumento, quod tam facilè in ipsum potest ita retrorueri. Meritum de condigno est quid supernaturale: & tamen maior concursus potentiae naturalis causa est incrementi meriti: ergo paratione melior concursus intellectus efficiat incrementum beatificæ visionis.

Pro

*Ad primum
contraria opinio-*

ad 3. Pro solutione tertij petendum est à Soto, quid intelligat quando ait, visionem non esse maiorem aut perfectiorem, nisi propter maiorem vel minorum concussum Dei, quo concurreat cum intellectu subiens vicem speciei intelligibilis. Si enim intelligat, non esse maiorem, quam sit id, quod efficit Deo concurrente vice speciei intelligibilis, simul tamen concurrentibus intellectu & lumine glorie, concedenda est illi maior propositio, & neganda minor, in qua manifestè petit principium: supponit enim ex parte potentie solum lumen glorie conducere ad quantitatatem visionis beatificæ. Si vero intelligat ex solo concursu Dei subeuntis rationem speciei intelligibilis penfandam esse quantitatem visionis, neganda est maior: quoniam effectus non est penfandus ex una dumtaxat parte totius causæ, sed ex terra causa: Deus autem concurrens vice speciei intelligibilis est pars causæ, quæ cum lumine glorie & intellectu efficit unam totam, atque integrum causam beatificæ visionis. Si denique intelligat tantam esse visionem, quantum Deus exprimit, dum subit vicem speciei intelligibilis, eò quod verbum productum per visionem non sit simile luminis glorie, aut intellectui, sed essentia diuina concurrenti vice speciei intelligibilis, concedenda est maior, & neganda est minor, in qua simili modo petit principium. Non enim iuxta quantitatem tantum luminis gloriae exprimit plus, aut minus se ipsam essentiam diuinam, dum instar speciei intelligibilis concurreat, sed iuxta quantitatem potentie & luminis gloriae similis.

ad 4. Ad quartum, quod plus ponderis habere videatur, quām cætera, posset primò responderi, concedendo sequelam: visio namque beatifica conferetur iuxta proportionem meritorum: lumen vero glorie non nisi posita æqualitate potentie. Cuius rei ea est ratio: quia visio est præmium respondens meritis: D^o lumen vero glorie non est præmium, sed conferetur tamquam medium ad cleuandam & confundandam potentiam, ut consequatur præmium: quare quoniam vbi melior est potentia, minus lumen sufficit ad consequendum præmium æquale meritis, minus luminis ad id ei conferitur, atque ita fit quodammodo compensatio inter Angelos superiores & inferiores, ac homines habentes æqualia merita, ut quantum alii superant alios facultate naturali, tantum ab eis lumine gloriae supererentur. Erit autem parua admodum additio luminis, quippe cum parua admodum quantitas luminis multo magis conducta ad incrementum visionis, quām magnus excessus virtutis naturalis. Neque refert quod Angeli superiores careant ornatu paruae illius quantitatis luminis gloriae, quo exceduntur ab hominibus, aut Angelis inferioribus habentibus æqualia merita: quoniam lumen non conferetur per se ad ornatum, sed ad visionem, in qua præmium essentiale consitit: accidit vero, ut simul cedat in ornatum. Solutio hæc, licet quadam ex parte satisfaciat argumento, quod ad visionem beatificam attinet: quod tamen attinet ad id, quod additur de amore & fruitione, quæ visionem beatificam consequuntur, & cum ea constituant integrum præmium essentiale, non satisfacit. Quare pretermitti alli solutionibus, possumus secundò respondere, negando sequelam. Et ad primam partem probationis dicendum est, ad prouidetiam diuinam pertinere eo ipso, quod Deus statuit perducere in suam beatitudinem res habentes facultates naturalis intellectus & voluntatis æquales, conserisque illis beatitudinem pro quantitate meritorum cuiusque, compensare inæquali-

A tatem illam virium naturalium ipsarum suo influxu immediato, quo vna cum lumine gloriae & potentie earum influit in visionem, amorem, & fruitionem: quod præstabat influenda tantò efficacius eo influxu, quantum satis sit, ut effectus sint æquales: ita enim fieri, ut vbi merita fuerint æquales, non solum præmia essentialia æquales sint, sed & lumen glorie, & habitus caritatis voluntaris. Quare intellectus humanus cum æquali lumine glorie producit æqualem visionem, quam producit Angelus, Deo per suum influxum immediatum in visionem compensante maiorem illam vim intelligendi naturalem, qua Angelus hominem superat. Similiter voluntas humana, existente æquali visione diuina sentientia in intellectu, & æquali habitu caritatis in voluntate, producit æqualem amorem, & fruitionem ei, quam producit Angelus, Deo similiter per influxum suum immediatum in amorem & fruitionem compensante id, quod plus influit voluntas Angelica quām humana. Ad probationem ergo in forma negandum est, ex eo quod Angelo & homini habentibus æqualia merita conferatur æquale lumen gloriae effici, ut Angelus melius diuinam essentiam intueatur: Deus namque maiori influxu cum homine in visionem totum id compensabit, efficietque, ut visiones sint inter se æquales.

D I S P U T A T I O III.

Vtrum omnes beati æqualiter conentur ad visionem beatificam eliciendam.

*P*rima secundæ q. 71. art. 5. ostendimus in voluntate, idémque dicendum est de intellectu, comatum ad actum non esse aliquid distinctum ab actu, ut præcisè emanat à potentia. Vnde quām intensè appetit voluntas, tam intensè conatur, & quām intensè intelligit intellectus, tam intensè quoque ad actum intelligendi conatur. Dixi: ut præcisè emanat à potentia: quoniam si accedit aliqua pars causæ, quæ cooperetur & adiuvet potentiam, ut habitus aut aliud simile, nullum est incommodum, quod potentia tunc minori conatur, tamquam pars vnius integræ causæ, producat intensiorem actionem: in ea tamen actione, ut præcisè emanat à potentia, nō habet potentia plus influxus, quām haberet in minus intensa actione, quæ ab ea, ut ab integra causa emanaret, ut loco citato latius explicatum est. Tantum namque est virtutem ut tria per se solam producere actionem ut tria, quantum eamdem virtutem, adiutam ab alia virtute ut tria, & cum ea coniunctam, producere actionem intensam ut quinque: neque enim corpus aliquod lucens minus influit, quando in aliud puncum, à nullo alio agente adiutum, producit lumen ut tria, quām quando alterius agentis superius est opere producitur in idem punctum lumen ut quinque: quoniam æquale est sine alterius opere producere lumen ut tria, ac producere tamquam partem integræ causæ lumen ut quinque, actione videlicet & influxu alterius superadditi agentis adiuvantis actionem & influxum prioris in singulas partes luminis quod producitur, ut loco citato latius ostensum est.

Conatus intellectus & voluntatis quid.

Constituta igitur ea sententia, quæ asserit, tam intellectum quām lumen gloriae influere immediatè in visionem, ageréque non liberè, sed ex necessitate nature, ac proinde toto conatu: seu quantum possunt, sit prima conclusio. Quando potentia sunt æquales, & lumen gloriae æquale, beati æqualiter conantur.

Prima conclusio.

conantur. Hæc manifesta est, quoniam nihil est, unde unus intellectus magis, quam alius conetur.

Secunda conclusio.

Secunda conclusio. Quando potentiae sunt æquales, & lumen est inæquale, conatus intellectus per lumen est inæqualis: conatus vero potentiae per se ipsam, vt partem causa influentis immediatè cum lumine gloriae, est æqualis. Primum patet, quoniam ubi præcipua pars causa est maior, actio influxus, atque aedè conatus illius est maior. Secundum verò probatur, quoniam ubi pars causa est eadem, aut æqualis, actio influxus, ac proinde conatus, ut ab ipsa præcisè emanat, est æqualis, licet actio totius causæ, propter concursum alterius maioris virtutis cooperantis, sit maior. Hæc conclusio est contra Sotum, qui putat, non posse esse maiorem visionem, quin etiam intellectus magis, efficaciusque conetur. Et paulò ante etiam dixerat, non posse esse maiorem visionem, quin intellectus magis concurrat. Vtrumque autem est falsum: intellectu namque æquè concurrente, & æquè conante, potest esse clarior visio propter conatum maiorem per lumen gloriae, si major copia luminis gloriae simul inflatur, aut si Deus suo concursum immediato in visionem efficiacius influere velit.

Tertia cōclusio.

Tertia conclusio. Quando potentiae sunt inæquales, & lumen gloriae æquale, aut etiam inæquale, conatus potentiarum est etiam inæqualis. Probatur, quoniam ubi melior, ac maior est potentia agens ex necessitate naturæ, est maior actio & influxus, ut ab ipsa potentia immediate oritur.

D I S P U T A T I O N . I V .

Virum quicunque gradus beatitudinis expletum appetitum beati.

*Q*uoniam ostensum est beatos inæquales esse beatitudine, explicandum erit, virum quicunque beatitudinis gradus expletum appetitum beati: an vero, qui pauciores gradus habent visionis beatitudinis inexplatum, inquietumque habeant appetitum. Quod ergo qui pauciores gradus beatitudinis habent, inexplatum habeant appetitum, suaderi potest primò. Quia quandiu restat aliquid desiderandum, quod sub ratione maioris boni offertur, appetitus non est expletus, nec quietus: sed cuicunque inferiorum beatorum restat desideranda beatitudo æqualis beatitudini superiorum beatorum, ei que offertur sub ratione maioris boni, quam sit illud bonum, quod possidet: ergo neque quietum, neque expletum habet appetitum beatitudine, quam possidet.

Confirmatio.

Confirmatur hæc ratio, Quoniam quicunque inferiorum beatorum cognoscit beatitudinem superiorum beatorum, el terèque potest circa illam actum desiderij, qui vtique erit naturalis quoad speciem actus: ergo appetitus naturalis illius non est expletus beatitudine, quam possidet.

Secundò. Atia res non solum appetit, consequi sive ultimum finem, sed etiam cōsequi illum perfectissimo modo: vt lapis non solum appetit esse in centro vniuersi, sed etiam esse in illo perfectissimo modo, ita vt centrum ipsius lapidis sit in centro vniuersi, neque expletus appetitus illius donec id consequatur: ergo homo non solum appetit consequi Deum per visionem beatificam, sed etiam consequi illum meliori modo, qui esse possit: neque appetitus illius erit expletus, quoisque id assequatur: non ergo quicunque gradus beatitudinis appetitum beati expiere valer.

Conveniunt omnes Doctores, appetitum cuius-

A que beati expletum est beatitudine, quam possideri iuxta illud Psal. 16. *Sicut ab omni apparuerit gloria tua.* Dissidentiū vero in reddenda ratione, unde id proficitur. Quidam enim huius rei causam in diuinam prouidentiam referunt: quæ vt ex aeternitate prædestinavit beatos ad diuersos gradus beatitudinis, ita eis adaptavit & prescripsit appetitum, qui iisdem gradibus perfectè expleretur. Hec tamen opinio non placet. Cum enim in omnibus beatis appetitus sit eiusdem rationis, neque aliquid superadditum designatur, quo coarctetur & restringatur ad diuersos gradus beatitudinis, incepit assertur à Deo facta talis in diuersis beatis ad diuersos gradus beatitudinis aptatio, ac limitatio.

Alij causam huius rei esse dixerunt, quod consti-tuerit Deus non concurrerē cum vnoquoque beatorum ad appetitionem maioris beatitudinis, quam sit ea, ad quam est prædestinatus, & quam suis meritis consequetur: eaque de causa vnumquemque contentum est sua beatitudine, neque appetere maiorem. Hoc autem licet cum aliqua probabilitate dici posset de appetitu voluntaris pro actu elicito: de appetitu tamen naturali intellectus & voluntatis, qui propensio est sine actu elicito, abque probabilitate aliqua assertur: eò quod huiusmodi appetitus ejusdem rationis sit in omnibus beatis, neque sit actus aliquis intellectus, aut voluntatis, sed appetitus ipsa ex suis propriis naturis atque essentiis ita inclinata. Nec vero, si de actu tantum elicito voluntatis dicatur, placet. Quoniam id non esset appetitus beati in se ipso, vi beatitudinis, quam possidet, esse positivè expletum, sed solum negativè, atque ab extrinsequo, quatenus Deus concurrere nolle cum beato, (cuius tamen vis appetendi minime secundum se ipsum esset explerat) vt clericet desiderium eius rei, qua adhuc indigeret, vt appetitus ipsius expleretur.

Dicendum ergo est, beatos vi cuiuscumque gradus beatitudinis habere appetitum sui intellectus, ac voluntatis perfectè expletum & satiatum. Cuius rei ea est ratio, quam art. 1. disputatione 2. reddimus. Cum enim appetitus naturalis intellectus sit primò ad cognoscendum verū indeterminatè, quod naturaliter potest cognoscere, & secundariò ad cognoscendum hoc & illud eiusdem generis verū, atq; ad cognitionem totam latitudinem veri, quam naturaliter potest cognoscere, & appetitus naturalis voluntatis sit ad appetendum bonum, quod viribus naturalibus intellectus potest ei ostendit, & secundariò ad appetendum hoc vel illud eiusdem generis bonum, atque ad appetendum totam illam latitudinem boni: in Deo autem clarè viso continetur eminenter tota latitudo veri & boni, quam intellectus naturaliter potest cognoscere, & voluntas potest diligere, atque in visione ipsa beatifica, qua Deus possidetur, continetur eminenter omnis cognitionis naturalis, quam intellectus potest habere, & in amore Dei clarè visi omnis amor naturalis, quem voluntas potest habere: vt Deus clarè visus nō minus expletum appetitum intellectus, & voluntatis, quam expleret tota latitudo veri & boni naturaliter cognita & amata, quam intellectus & voluntas naturaliter possunt cognoscere & diligere. Quare cum hæc perfectè expleret, eò quod sit totum id, ad quod appetitus naturales intellectus & voluntatis se extendunt, vt articulo 1. disputatione 2. ostensum est, sit, vt Deus clarè visus, in quoque gradu videatur, perfectè etiam expletum vtrumque appetitum naturalem, intellectus scilicet & voluntatis, immo longè perfectius, quam tota latitudine cognitionum

gnitionum & volitionum, quas naturaliter possunt habere, eiusmodi potentia explentur.

Obiectis tamen, in visione Dei trium graduum intentionis & claritatis, neque eminenter continetur visio Dei sex graduum, alia beatus beatitudine trium graduum esset eminenter beatus beatitudine sex graduum, ac proinde esset tam beatus, quam beatus est, qui habet sex gradus beatitudinis: quod tamen est absurdum: ergo beatus beatitudine trium graduum, neque eminenter habet tota latitudinem boni, ad quam potest se extenderi appetitus ipsius naturalis, atque adeò non erit perfectè satietas.

Ad hoc argumentum, concessò antecedente, neganda est consequentia. Ratio est, quoniam, ut articulo 1. disputatione 2. ostensum est, appetitus naturalis intellectus & voluntatis pro propensione fine actu elicito (de quo nunc loquimur) non se extendit ad cognitionem & amorem supernaturalem, sed solum ad naturalem: quare esto in visione diuina essentia trium graduum non continetur eminenter visio sex graduum, que supernaturalis est, ut tamen expletat appetitum naturalis intellectus, satis est, quod eminenter contineat in se omnem cognitionem naturalem, ad quam intellectus potest se extendere: quare cum visio diuina essentia, cuicunque gradus & intentionis ea sit, id habeat: sit, ut in quocumque gradu sit, perfectè satiet appetitum: tamen quod intensor fuerit, ed perfectius, pleniùs, ac melius eum satiet. His addes, quod licet visio sex graduum non continetur eminenter in visione trium graduum, continetur tamen in Deo, qui videtur visione trium graduum: quare ex parte obiecti (quod eo ipso, quod visione possidetur, satiatum omnino reddit appetitum, tanquam res qua in se continetur eminenter omne verum & omne bonum) nullum est discrimen inter magis & minus beatum, sed solum in modo illum possidendi clatior, ac intensiori visione, aut minus clara & magis remissa. Hac quod attinet ad appetitum tam intellectus quam voluntatis beati, sumptum pro propensione fine actu elicito.

Quod verò attinet ad appetitum voluntatis pro actu elicito, sciendum est, velle sub conditione siue conditionatum (quod velleitas solet nuncupari) quemadmodum non est velle simpliciter siue abolutum, ita neque esse simpliciter appetitum, aut desiderium voluntatis. Quare, reperi in aliquo velle sub conditione fine re, quam sub tali condizione vellet, non est reperi in eo appetitum minimè expletum, aut inquietum. In Deo namque, qui iuxta dictum Pauli 1. ad Timo. 2. *Vult omnes homines saluos fieri*, sub conditione tamen (si videlicet per ipsos obex non opponatur) datur huiusmodi velle minimè impletum: & tamen nemo dixerit in Deo esse appetitum non expletum. Quia ergo beatitudo, in quocumque gradu ea sit, non solum efficit rectitudinem voluntatis, sed etiam summam conformitatem cum voluntate, dispositione, & ordinatione diuina, ed quod vt beati plus diligat Deum clare visum, quam se ipsos, & sua omnia commoda: ita plus affectant impletionem diuinæ voluntatis, quam sua propria: fit, ut circa bona, quibus carerent, vi beatitudinis habere non possint, nisi velle sub conditione, si ita à Deo esset dispositum, eaque esset ipsius voluntas, aut id postularant ipsorum merita, ut postularunt merita eorum, qui abundantiori premio potiuntur. Beati ergo perfruentes summo illo, inexhaustoque bono situ que vinculo amoris, quo in Deum ultra, quam dici possit, inardescunt, Deo inharentes, cuiusque diuinæ voluntati

ac dispositioni omnino subiecti, eodemque vinculo amoris semper complectentes, in perpetuo, & pleno gaudio perseverant, sine vilo desiderio, quo vel affligi, vel solliciti reddi possint. Quare nullum appetitum proactu elicito habent, aut habere possunt, qui plenè non sit expletus, sed solum velleitatem, si videlicet ita postularent ipsorum merita, aut si ita à Deo esset constitutum.

Animaduertendum tamen est, quod quamvis animi beatitante resurrectionem corporum explicatum habeant appetitum intellectus & voluntatis: appetitus tamen substantia, quo propendit in sua propria corpora, non erit expletus, quo usque in die resurrectionis corporibus reuniantur. Neque appetitus hic parit desiderium absolutum in voluntate propter summam conformitatem, quam cum voluntate & dispositione diuina habent, sed solum velleitatem. Atque hæc est qua Apocal. 6. significatur, dum Iohannes ait: *Vidi sibi altare ante terram imperfectorum proper verbum Dei, & clamabant vox magna. Isque quod Domine non iudicas, & non vindicas sanguinem nostrum de ipsis, qui habitant in terra. Et data sunt illis singula stola alba: & dictum est illis, ut requiescerent adhuc tempus modicum, donec complerentur consenserit eorum.* Vel fortè clamor ille denotat desiderium, quod haberent, si non acciperent stolas primam gloriae animi: nam post clamorem illum adiungit, *data sunt singulis stolas singulas.*

Ad primum ergo argumentum in oppositum, si in eo sit sermo de appetitu voluntatis pro actu elicito, & de desiderio absoluto, concessa maiore, neganda est minor. Licet enim beatitudo æqualis beatitudini superiorum beatorum offeratur cuicunque inferiorum beatorum, sub ratione maioris boni, quam sit sua propria beatitudo: propter summam tamen conformitatem, quam cum voluntate, ac ordinatione diuina habent, elicere neque una desiderium absolutum maioris illius beatitudinis, ut explicatum est. Quod si in arguento esset sermo de desiderio, non pro actu elicito voluntatis, sed pro propensione intellectus & voluntatis fine actu elicito (quod tamen argumentum non inuitiquippe cū ad huiusmodi appetiti necessarium non sit rem appetendam offerri appetenti sub ratione boni) admisla maiore, si res illa continetur intra limites latitudinis, ad quam appetitus naturalis se extenderet, ad minorem dicendum est, beatitudinem supernaturalem, neque maiorem neque minorem contineri intra latitudinem rerum, ad quas se extendit propensio naturalis intellectus & voluntatis, ut artic. 1. disputatione 2. ostensum est.

Ad confirmationem verò negandum est, beatum posse elicere desiderium absolutum circa maiorem illam beatitudinem: solum namque elicere potest velleitatem, ut dictum est.

Ad secundum concessò antecedente, quando finis est naturalis, & appetitus comparatione illius est etiam naturalis, neganda est consequentia. Consequi enim Deum per visionem beatificam, non est finis naturalis hominis, sed supernaturalis: neque ad illum finem est appetitus naturalis in homine, & ideò, ut homo non appetit naturaliter videre Deum, sic neque videre Deum perfectissimo modo, sed solum appetit naturaliter latitudinem totam cognitionem naturalium: at cum in quocumque gradu visionis beatificæ contingantur omnes eminenter, quicunque gradus satiet perfectè intellectum beati, licet perfectius & melius semper altiori gradu satietur.

QIS

Beatarum animalium appetitus ad corpora ante dictum iudicij non erit satatus, interim tamen solum parit velleitatem.

DISPUTATIO V.

Vtrum visiones beatifica hominum, & Angelorum sint eiusdem speciei.

*Pars negans
sudetur
primo.*

Partem negantem amplectitur Maior in 4. d. 49. quæst. 1. probarique potest primo, quoniam actus emanantes à potentius specie distinctis, sunt inter se specie distincti: sed intellectus Angelicus, & humanus distinguuntur inter se specie: ergo visiones beatificæ, qua ab eis emanantur, specie inter se distinguuntur.

Secundus.

Secondò, visiones beatorum non sunt de eodem obiecto adæquato: quippe cùm quidam beati vident aliquid in Verbo, quod non videtur ab aliis, sed cognitione, quæ non sunt de eodem obiecto, distinguuntur inter se specie: ergo visiones beatificæ non sunt omnes eiusdem speciei.

Tertius.

Tertiò, vnum beatus est essentialiter beatorum alio, vt Theologus omnes concedunt: ergo beatitudo vnum est essentialiter perfectior beatitudine alterius, & consequenter est ab illa specie distincta.

*Visiones beatificæ hominum
& angelorum
sunt eiusdem
speciei.*

Contrarium sententiam, visiones nimurum beatificas hominum & Angelorum esse eiusdem speciei, sequuntur Durandus in 3. d. 14. q. 1. Marfilius in eodem 3. q. 10. art. 2. & Sotus in 4. d. 89. q. 1. art. 2. quæ probabilior est. Primo, quoniam sicut gratia & caritas, quæ est radix & principium meriti, & cui respondet præmium, est eiusdem speciei in Angelis & hominibus: ita etiam præmium ipsum esse debet eiusdem rationis & speciei. Secundò, quoniam visiones hominum & Angelorum sunt de eodem obiecto, & præcipua earum causa, quæ proportionata sunt obiecto, nempe essentia diuina concurrens instar speciei intelligibilis, & lumen gloriae, sunt eiusdem rationis in homine & Angelo, vt ex se est satis manifestum, & de lumine gloriae affirmat D. Thomas de veritate q. 9. art. 1. ad 17. ergo licet intellectus, qui est minus præcipua causa, sit alterius rationis in homine & Angelo, visiones erunt eiusdem speciei: maximè cùm sint effectus supernaturales, qui ex causis supernaturalibus præcipue pensandi sunt.

Obiectio.

Obiectio, visiones beatifica Angeli essentialiter continentur sub intellecione Angeli, & visio beatifica hominis sub intellecione hominis: sed intellecito hominis & Angeli specie, aut genere subalterno distinguuntur: si ergo visio beatifica hominis, & Angeli sunt eiusdem speciei infima: sit, vt vna species ratione quorundam individuorum continetur sub uno genere, & ratione aliorum sub alio, ac proinde, vt vna species infima ponatur sub duobus generibus non subalternatim positis quod alia ac alia sua individua, quod est absurdum.

Responso.

Respondendum est, intellecione creatam in communione in hac duo membra proxime dividendam esse, videlicet in eam intellecione, quæ quo ad substantiam actus elici potest viribus intellectus creari, & in eam quæ neque quo ad substantiam elici potest viribus intellectus creari, vt est sola visio beatifica. Quæ diuisio non est vniuersali, sed cuiusdam analogi in analogata. Intellecito namque, quæ neque quo ad substantiam actus elicit potest viribus naturalibus intellectus, non est vniuersali intellectus cum ceteris intellectibus, vt pote extra totum genus intellectuum, quæ intellectui propriæ sunt, omnino existens. Quare ad argumentum negandum est, visionem beatificam Angeli, aut hominis essentialiter contineri sub intellecione in communione Angeli aut hominis tamquam sub aliquo vniuersali.

Artic. vij.

A co. Vnde non sequitur, vnam speciem infinitam quoad alia ac alia individua contineri sub diversis generibus non subalternatim positis: sub nullo enim eorum continetur, vt illa genera sunt: sed est species ab illis contradicuta. Quo loco obserua, esto diceres visiones beatificas hominum, & Angelorum species inter se distingui, cùm negandum non esset illas omnes conuenire in aliquo genere vniuersali, quod esset visio beatifica in communi, non effugeremus vna argumentum: illud enim genus, quo ad aliam ac aliam partem sibi subiectam, collocaretur similiter sub duabus generibus non subalternatim positis, nempe sub intellecione hominis, & sub intellecione Angeli in communi.

Ad primum in contrarium. Ad primum dicendum est, maiores solū esse veram, quando actu ita sunt proprii potentiarum, vt viribus naturalibus ipsarum emanare ab eis possint, saltem quo ad substantiam actus: quando enim adeo sunt supra facultatem ipsarum, vt neque quoad substantiam actus ab eis possint emanare, cùm exiguum admidum causalium circa eos habeant, aliæque sunt præcipua causa eorum, concursus tam exiguis potentiarum naturalium species distinctarum, non est satis ut actus sint species distincti.

Ad secundum dicendum est, omnes esse de eodem obiecto primario, nempe de essentia diuina, in qua tamen (vt vidimus) quidam vident plures res creatas, quam alij, quæ pertinent ad obiectum secundarium: distinctione autem specifica notitiarum ex obiecto primario attendenda est.

Ad tertium dicendum. Theologos concedere inter beatos alium alio esse essentialiter beatorem, quia beatitudo essentialis, hoc est, beatitudo animæ, est maior in vno quam in alio: non vero quod in vno sit essentialiter perfectior, quam in alio, & consequenter sit distincta specie.

ARTICVLVS VII.

*Vtrum videntes Deum per essentiam ipsum
comprehendant.*

PRAETERMISSIS aliis acceptiōibus comprehensionis, quas Gabriel. 1. distinc. 3. quæst. 7. & in 3. dist. 1. 4. quæst. 1. artic. 3. duobus 2. cum suo Ochamo distinguit, quæsita Sotus in 4. dist. 49. q. 3. art. 1. & super proemium Physicorum meritorum recitat & impugnat, vt pote pro libito potius, quam iuxta nominis significacionem traditas, Comprehensio, vt hoc loco in responsione ad pri-
mum notat D. Thomas, duobus modis accipitur. Vno, vt opponitur infractione: etenim apprehensionis, tenet, atque confutatio eius, quod insequebamur, comprehensionis dicitur. Hoc modo beatitudo videntes diuinae essentiae Deum comprehendere dicuntur, iuxta illud ad Phil. 3. Sequor autem, si quo modo comprehendebam. Et Iad Cor. 9. Sic currite, vt comprehendatis. Per visionem namque tenent atque assequuntur id, in quod per spem & desiderium, dum in via erant, tendebant. Comprehensio hoc modo sumpta est vna e tribus dotibus animæ, vt 1. 2. q. 4. art. 3. explicatum est. Quo loco animaduerterendum est, non quamcumque visionem diuinæ essentiae dici comprehensionem in hac acceptio, sed solam eam visionem, quæ est per modum habitus & cum securitate, quod numquam amitteret: hæc namque est quæ vacuat spem, per quam in Deum tendimus. Atque de hac intelligendus est Paulus

Comprehen-
sio quo-
plex.

ad